


上海图书馆

登记号码

00913633



鑒橋傅氏宗譜續稿卷八

祀典誌

長至繼述會祀原序

良治

揆右

嘗聞有其創之莫為繼之雖美弗傳况追遠之誠尤為先人之曠典而子孫當世守勿替者哉吾宗自宋少宰公護駕遷鄞其後族蕃而居渙歲時伏臘家自別其派人各享其親皆莫由譜其系而會其宗者即前中憲公身都通顯亦略而不講先君君彩府君雖布衣獨慨然念之因糾集宗族之親而近者數房



萬里叔祖省三兄各捐資出息置有田產設爲清明
祭埽始祖之典其無力捐資者亦與輸值惟章橋一
支路遠止與祭蓋深望子姓之蕃衍而有其創之爲
可繼也天不佑宗行之未久而同創者各敗乃祀不
特先君之資本悉歸烏有而美意亦同歸澌滅矣自
是以來歷有年所比鄰照姪頗有生色余每言及示
以省三兄前有欠余之項并欠吾兄弟四人未分之
欸冀其丕承不幸而鄰照旋歸鬼籙幾爲無望前年
三成廟前祀田鄰照姪婦永賣得價十五兩推出償

余原本餘歸吾四房原本余與弟輩念此項雖係還
吾父借本吾輩應得但物從祀田而來不無餽羊竟
去之嫌彼時適值吾祖祀山出售亦有銀十五兩餘
遂合買袁姓出字號田叁畝另立傅公祀戶輸糧將
一畝五分爲吾祖祀田其一畝五分仍作
始祖祀產又因祭掃費重產少不敷只得隨吾祖祀
輪辦請各房與祭余恐一時權宜難以久遠且公祀
戶內有田三畝日後世遠言湮考証莫據必貽口舌
今會同各房公議改爲長至祭享照現在煙爨十一

房闔年輪值名曰繼述會吁後之人有志繼述恢宏
產業張大規模宗祖之聲靈不墜子孫之簪紱長綿
是大有造於吾宗也豈獨予一人之厚望哉時乾隆
八年歲在癸亥長至月嗣孫良治謹跋
增訂繼述會祀簿序
德 峯

繼述會祀典始創於君彩公省三公與我高祖萬里
公而實繼成於揆右公昆季乾隆八年揆右公詳叙
於祀簿之首越後炎菴公捐資增置祭田相承百廿
餘年簡斷編殘族人數請重訂余謂繼述之會不徒

重訂祀簿而所以名爲會者尤當顧名覈實也吾傅氏自明季遭回祿譜牒遺失各房由柳莊坊麥場或遷高塘墩或遷慈谿樟橋或遷乙未坊復遷紫微街其居處遷徙不一房族聯屬莫稽然溯遷鄞祖之所自出要必以堯俞公爲始也堯俞公爲宋哲宗元祐朝由濟源來知明州軍州事仕至中書門下侍郎卒諡獻簡其子諱恩齋者始居於鄞之鑿橋里是爲居鄞始祖

本夢元公殊卷

遞傳十七世於茲矣按繼述會序曰

自宋少宰護駕遷鄞祭文曰致祭始祖鑑府君或謂

鑑為居鑒橋之署號少宰為侍郎之別稱說亦近似

特未敢懸斷也鄞西南十里大禹王廟訛名謝女王廟前土

名華氏墳頭或名高土有我家祖墓相傳為始祖封

塋奈碑碣就湮無從徵信所以子姓各致祭埽終不

得墓門會祭嗚呼吾十二房族姓幾幾覲面不相識

慶弔不相通而乃猶得成雍穆之風每歲相會者幸

先世之創有是會也然則是會不特尊祖敬宗已也

而收族之義亦寓之矣迄今百餘年來子孫蕃衍親

疏愈不能辨長幼愈不得序於此而欲會其世系甚

矣非譜牒之不爲功也歐陽文忠公云姓氏之出其
來也遠故闕其不可知者斷自可知者今援此例以
祀簿所載十二房分爲乾坤房天地人房仁房三大
支各以可知者始於一字行爲一世世次系圖繪錄
於右至若鄞東五鄉碑千餘家以傳家壘分支仲一
解元公爲始祖其近世行序與吾十二房無異相傳
元旦長至必往與祭又有鄞東南桃江亦作陶港傅氏數
百家與五鄉碑不會乾隆十八年癸酉科本省鄉試
中式舉人夢元叔祖乾房支而在桃江宗祠懸挂匾額

當時良有所據也於是自銘姪仁房支中道光十二年

壬辰恩科順天舉人亦踵其事而以匾額懸之若夫

栗木塘俗呼栗樹塘一支則又未及考其世系想亦鑿橋

之分支也今余應族人重訂之請僅就余所聞及諸

父諸兄併零墨畱遺者命毓璋仁房支約略書諸簿會

中祖諱及原序議例規式依舊重錄凡從前捐例條

目概從刪汰舊簿付自新仁房支存藏余非敢云覈實

也祇以先人所以名會之意使每歲子孫會聚得以

各叙本支之世次倘謂余未能旁搜遠紹別加參攷

會而譜之則余之幸也益甚時同治五年歲次丙寅

正月

祭文

維年月日嗣孫等謹以時蔬之儀致祭於


始祖考諱鑑府君暨各房

列祖之神前曰惟水有源惟木有本波涵萬頃源遠

者流長枝蠹千尋本深者末茂大家巨姓異派分支

欲收族以篤宗盟必逢時而同廟見崇先孔亟追遠

惟誠粵稽



始祖卜宅麥場厥後

列宗分居異地所由各敬其祖祭不同時各愛其親
情不相協今者節臨長至月屆仲冬統宗會元合申
愛敬陳牲設醴共薦馨香伏願子孫之諸父諸兄有
禮有讓更祈祖宗之羣昭羣穆來格來歆行之弗衰
綿功德於生生世世週而復始傳典禮於子子孫孫
睦族聯宗光前裕後敬請

瑞玉府君

君彩府君

梅霖府君

殷球府君

日亭府君

炎庵府君


慕亭府君

桂亭府君

耐食尙

饗

- 一規則平又齋坐日許飯三十歲則正十四
- 一祭儀本應豐備或全牲或五牲祭包祭糕今因
- 產少設盤供十二盤
- 一參拜子姓自應少長咸集今因享餽止備兩桌
- 一每房止請一位俟增產再議
- 一子姓有衣頂者自應一體參拜享餽不在房分
- 之內亦因產少缺典俟增產後議加



- 一助產者須永業或一畝最少或半畝其祖另設
- 一桌配享子孫另請兩位不在衣頂房分之數
- 一人泮捐納鄉會試中式及銓選生子者不可無
- 一捐助之舉但限定數目恐貧富不侔不容一槩
- 一相量多寡稱家有無以全孝心倘或分文不捐
- 一此不念本原者不許與祭其生子計助錢六十
- 一己丑年又議生日捐助三十歲助錢五十四十
- 一歲助錢八十五十歲助錢一百六十歲助錢一
- 一百二十七十歲助錢一百四十八十歲助錢二

百九十歲助錢一千

一議吉日助錢六十續娶照例

一祀田出字號一畝五分與乾坤兩房祀田合辦

一條糧值年者在傅公祀戶名下納糧壹錢叁分

米貳升壹合

一己丑年增置樓字號永賣湖田柒分壹釐九毫

一亦開在傅公祀戶內條糧亦值年者投納又庚

寅年銘旂典出出字號筓下田二分零條糧秋

一米亦值年者納永契典契俱存鳴岡處

一長至日定例致祭永不易日與祭者是日辰刻齊集當辦家不請不速

一戊戌年公置祀簿兩冊照舊本錄出參拜後一冊即交次年當辦其一冊仍存本年當辦至次年交出倘有疎失者罰錢壹百

一祭筵橫設兩桌十二盤八葷四素

一餚饌

肉

雞全隻或鴨亦可

高包

鮮魚

鹹鱖魚

鴨蛋

雜糊

以上不許更換下五色不拘

蚶子

蠣蚌

十錦麩

芋茷 冬筍 茶沁十二杯色四酒杯十二個

飯十二碗 餘羹 餘飯二罇 宵一兩對

香一股 酒兩壺 財馬 祭包祭糕各十七

副俱四
百算

一庚寅年另設配享兩桌餚十二碗同前請

瑞玉府君 君彩府君 梅霖府君 殷球府

君日亭府君 炎菴府君 慕亭府君 桂

亭府君 因出字號壹畝五分永田係梅霖府

君兄弟四人助出樓字號永田七分壹釐九毫

炎菴府君有錢九千文助出餘加公錢所買倘

日後各房子孫助永田卽五六分亦照此例

一享餽庚寅年起備三桌十二房各房一位加

瑞玉公支 殷球公 炎菴公子孫二位加

君彩公支 梅霖公 日亭公 慕亭公 桂

亭公子孫二位共十六位每位送祭包祭糕一

副讀祝者另送一副又主祭一副

一輪值年次

癸亥 乾文房 良治

甲子 乾信房良士

乙丑 坤柏房良翰

丙寅 天 房光龍子良標

丁卯 仁右房良弼


戊辰 地 房光文

己巳 坤松房良謨

庚午 人 房光祖子良圖

辛未 乾忠房良斌

壬申 仁中房良佐 宏元住 章橋




癸酉 乾行房良俊

甲戌 仁左房良宰

周而復始○按曰長至繼述會祀簿中載有
喜慶捐目又坐簿抄存歷代主位均類以識
於再正稿卷七存證門所以備作譜之叅攷
有證非敢恣擅移掇也

繼述會祀昭穆圖記

吾傅氏居甯城自宋迄今未建宗祠先代著作亦寥
寥梅霖公與我曾祖炎菴公創行祀典每年冬至集



值祀家拜享號繼述會其祭文云始祖考鑑府君暨
各房列祖而列祖未詳名諱左右祔席者瑞玉公君
彩公暨梅霖公昆季六人而已又不詳其世次擬欲
詳攷而修舉之未敢造次也謹按會簿原序云自宋
少宰公護駕遷鄞少宰官階不知何屬又云中憲公
身都通顯又云祀田從鄰照而來中憲未指何諱鄰
照亦未叙何支雖任漳州府諱天錫列中憲之階究
未敢臆斷也又按慕亭公鄉薦履歷遷鄞一世祖諱
恩齋三世祖諱行簡無少宰諱鑑之說又按輪轎公

所載高塘墩祖堂主位注明出景在公隆德之手抄而
世次名諱核與繼述原序鄉薦履歷均不符合嗚呼
飲水不知源此心闕然者久矣

今上六年丁卯二月購買燹餘殘編得蓉鏡公海峯
公父子貫珠集數帙檢有蓉鏡公所撰譜序以唐太
史令諱奕爲始祖二世祖諱第十六世祖諱素十七
世祖中書門下侍郎諡獻簡諱堯俞二十世祖宋嘉
泰壬戌第一進士諱行簡而序尾自序二十九世孫
蓋言之甚歷歷也雖遷鄞始祖僅稱爲獻簡公之子

未詳其諱而自獻簡公之子推之二十世行簡公適
爲遷鄞第三世與慕亭公履歷相脗合惟自二十世
至二十九世以譜序核之履歷而履歷誤多一世殆
上泗公與仰唐公兄弟誤爲父子也夫蓉鏡公淵博
士也去古又較近其見聞必確考据必詳惜未見全
譜殊深積憾耳今從譜序爲繪列代主位得實書諱
者書其諱未考者存其位而虛之非略也萬氏有云
與其實其人以存信不如虛其人以存疑無失爲一
脈之祖也遷鄞始祖諱鑑旣不見於慕亭公之鄉薦

卷又未叙於蓉鏡公之譜序而輪橋公草譜序文有之則曰宋少宰諱鑑五五字又不知何據且以祀會坐簿所載主位之世次雖稱始祖而核譜序與鄉薦卷逆推之蓋二十五世也或謂始遷居鄞之鑑橋以地命名恐又滋誤不得實其証盍虛其諱乎圖凡三十四世一世始祖至十七世爲遠祖十八世遷鄞始祖至二十六世爲近祖始祖暨遷鄞始祖爲位於南嚮正中餘各以世次分列昭穆則二十六世以上虛者虛實者實一線相延一氣相承固已世次明昭穆

序矣二十九世□□公

諱二貫

茂林公

諱一本

星海公

諱二

夔

萬里公

諱九鵬

分屬兄弟莫辨其親從遠近而實為

吾族三大支所自出並列一位所以誌蕃衍之始同

宗之實也至若二十七二十八兩世據殷求偉生二

公為祀事議單云高祖上原公世居府城其遷慈邑

章橋則自曾祖愛行公始殷求偉生二公屬三十一

世稱曰高曾則上原公二十七世愛行公二十八世

其為二十九世茂林公之祖父行信有徵矣特以會

簿所載歷代主位第三第四世之間核準列入於二

十七二十八兩世位中更以上原愛行字樣書之則
信而仍有可疑者也若夫蓉鏡公自署二十九世其
父帝賚公當爲二十八世其子海峯公當爲三十世
無疑也所疑者蓉鏡公二十九世則與一貫茂林星
海萬里諸公爲昆季乃三大支既出諸公後則蓉鏡
公似非正支耳然觀其所撰譜序亦同祖獻簡且海
峯公經魁扁額相傳舊懸高塘墩宅之庭派雖別其
源固同其支且必不遠不容不祔列也此可疑而實
有可信者也更有記者行簡公夫婦遺像得之於鄞

東栗木塘族而其字曰欽夫則見於汝南袁氏譜中
實書於圖恐後失也圖既成以繼述會冬至懸祀俾
闔族子姓瞻拜而仰慕焉嗚呼數十世似續長延七
百年音容如在承先啓後之思於是乎存自誠恐傳
世之久仍昧淵源併望後之來者隨時釐正商諸從
弟自新命其仲子毓璋謹爲之記時同治八年歲在
己巳九月朔也

而此氏爲吾郡未嘗不存冥冥之中

按萬充宗先生作宗譜謂吾萬氏於漢爲某於隋
爲某於唐爲某於宋爲某以爲非也吾不敢以爲

是也吾何徵與其實其人以存信不若虛其人以
存疑蓋實其人則疑於以非祖爲祖而祖亡虛其
人則千百世而上凡爲吾祖未嘗不在冥冥之中
而祖存於不朽之內也此說情義兼至最爲精確
茲特仿其意爲立每代之主或有可疑者而必不
實其人云云承夫祖考之思故長平平身痛惡
圖是圖之作或有謂未娶者不得濫入例固自昔皆
實然今所以依名紀概列者因尙未按次確查恐有
東舛錯詎敢刻覈以俟釐正至僅列三十四世者恐

圖幅冗長未便擬另繪圖幅也

大祭祀序

星海公祀

大祭祀者以吾祖考星海府君諱一夔分祔葬於大禹王廟前始祖墓側而始祖祭掃之典因無各房公置產業遂在於星海公之祀權計承辦俟繼述會祀置有清明祭掃之費仍應各房挨次輪值也我祖妣畢太孺人分葬於前宅橋公祀田之原生吾父吾叔二人吾父君彩府君年十七失怙吾叔君美公年幼兄友弟恭勤儉起家置田三百六十餘畝耄年與吾叔

析箸田產對分外特尊吾祖祀田壹拾陸畝定爲乾
坤兩房輪流值祀謹將生諱日期時節羹飯祀田畝
分載明於後特立大祭祀議定規式簿壹編交付當
辦照式備辦伏願敬所尊愛所親共念祖功宗德志
則繼事則述各思啟後承先洞洞屬屬如將見之子
子孫孫勿替引之長緜祖澤垂裕後昆此則余之所
厚望也夫乾隆三十二年歲次丁亥八月中秋日孫
夢元謹敘

告后土文

維年月日信士傅某謹以清酌牲醴之儀致祭於
后土之位前日至哉坤元德合無疆山邱有主保障
一方先人之墓終焉允臧惟神呵護驅除不祥茲逢
令節敬薦一觴神其來格降福孔長謹告

墓祭文

維年月日嗣孫^某等謹以時蔬之儀致祭於
始祖考諱鑑府君妣張氏孺人高高祖考三橋府君
妣何氏孺人高伯祖考天福府君妣董氏孺人高祖
考天祐府君妣徐氏倪氏孺人木生高祖考天祥府

君妣沈氏孺人曾伯祖考沈府君三府君曾祖考星
海府君妣畢氏孺人曾叔祖考六府君亡姑完貞姑
娘之墓前曰流長源遠綠水之濱巋然華表萬古千
春於維我祖含和履仁躬尙節儉濟以克勤麥場之
里肇造艱辛保世滋大蔚起人文彬彬儒雅濟濟冠
紳其來有自世德孔醕厥德伊何忠厚是遵惟忠罔
失惟厚葆真光遠有耀於其子孫本支百世佑啟後
人肅瞻墓道祇奉明禋綿延厥緒螽蟄麟振尙享

規則

一除夕俗呼年
夜羹飯先設五桌請

始祖考諱鑑府君妣張太孺人
以次凡上堂祖
宗均祔又後設三桌請舊宅本生高祖考天祥
府君妣沈氏孺人曾伯祖考沈府君三府君曾
叔祖考六府君再請祖堂曾祖考星海府君妣
畢太孺人顯祖考君彩府君妣史氏蕭氏賈氏
太孺人叔祖考君美府君妣屠氏陳氏孺人先
請華氏太太外祖考妣享食共供八桌
一拜埽大禹王廟前華氏墳頭

始祖封塋墓前陳設羹飯四桌請如祭文

一享餽男女八桌船夫一桌吹手四名一桌備小百

官船四隻小船一隻

一拜埽西山木生高高祖考仰唐府君妣張氏孺

人享餽二桌乾坤兩房總十二位乾房八位坤房四位

一二月二十七日曾祖妣畢太孺人忌日請凡十

九位享食餘期倣此

一十一月二十一日高祖考天祐府君生辰請凡十九

位同前

一清明羹飯前設五桌後設二桌立夏端午七月

半嘗新中秋重陽各設羹飯二桌

一祀田花條 民田貳畝伍分 墳田在西河頭內除墳基 貳畝

伍分 墳前并在西河頭 叁畝 墳後 叁畝叁分 貫珠田 貳畝

柒分 水櫃田 壹畝伍分 裏三畝冬至會

君彩公祀

祀簿之設助自吾父梅霖府君手定所列款式井井有條行之歲年緣公貯之穀放出無收放者不克照例賠償而弟兄情分不欲大傷厥衷遂將祀簿等諸

弁髦近年弟姪輩勸余重立祀簿余因舊簿失檢不
欲回邇先人成轍因循者有年去歲偶於廢麓中檢
有吾父舊簿翻閱各款雖大略仍遵而捐例罰例則
隕越久矣於是新置祀簿一本照府君所著序文行
述條例謄錄新簿惟捐罰例一概不錄非敢故違爲
後世慮至深遠也蓋吾父定例期欲後嗣永守勿替
而當時弟兄子姪俱口誦詩書心維孝友尙不能毫
髮無間若歷世久遠子姓蕃衍保無一二不肖頑梗
率乎且夫子孫賢卽無罰例自必中規中矩恪遵成

例子孫不賢縱有定規安必不愆不忘率由舊章其
或他人輪值則吹毛求疵厚於責人在己當辦則強
辯飾非簿於責己甚而忿爭無禮凌虐尊長無所不
至亦萬一或有之慮也何如置之不論不議使後世
子孫各相勸勉默以自化乎嗚呼吾祖之豐功偉烈
宜食報於後人吾父之燕翼貽謀應不忘於沒世余
小子仰承祖澤追念親心故爲是不得已之詞非敢
輕量後人也惟願世世無忘先澤以孝以享以妥以
侑則追遠惟誠不言而孝孫有慶矣豈非根深者末

茂而源遠者流長哉乾隆四十四年歲在己亥丁卯
月孫兆甲謹跋

告后土文

維年月日信士傅某謹以清酌牲醴之儀致祭於
后土之位前曰伏以德厚資生尊列五行之位功深
懋植祭通八蜡之儀想分職攸司由來北郭而施恩
降澤定及西河某等既叨庇於百世墳塋宜報功夫
千秋靈爽進笙歌之一曲敢邀神聽之和平灌鬱鬯
以三杯聊表我思之涓滴惟冀爲壇爲墀遠拂春風

惟松惟楸長連瑞氣尙享

墓祭文

維年月日嗣孫某某等謹以時蔬之儀致祭於

曾祖考星海府君妣畢氏孺人

祖考君彩府君妣史氏蕭氏賈氏孺人之靈墓前曰

伏以水繞滌洄世澤接五鄉之派火新榆柳後人深

一本之思宿草蘇而蝶夢西河百六之韶光已逝春

雨濡而鳩啼北郭三千之世界重開感物興懷恭修

祀事隻雞斗酒拜掃封塋於維兩世祖考妣孝友傳

家儉勤啟後裕貽謀於百世瓊筵喜聽鹿鳴通精氣
於兩間華表高連馬鬣曩者一坏土捧移喬蔭於謝
女廟前泊乎百歲仙游伴慈雲於楊家橋畔雖曰陰
陽德合同穴爲宜祇緣鍾毓情深兼收其美况周公
蓋祔英皇垂分葬之文坤道無成西南叶得朋之慶
乎^某等仰承宗祧恪守墳塋撫松楸而時誦先芬蔭
叨二代擷蘋藻而羣思孝享禋祀千年爰修野祭之
儀特舉清明之典河干日暖紙錢傍雉堞以高飛隴
上風香麥飯與鶯花而並豔陳肴設樂聊表烏思敷

衽陳辭應停鶴馭伏願蘭馨桂馥綿綿之遺澤長延

柳暗花明藹藹之春暉永駐尚享

祀產花條民田半畝屋傍貳分松房連田邊叁畝地兩隣在內底潛

土名叁畝貳畝柒分裏外土柒分塘外土貳畝舊屋基

墳後小片一坵已上門前田俱草穀均用并有水面穀叁畝東鄉陸分土橋

西壩沙叁畝楊漕田湖田貳畝肆分湖田王家橋

樓屋壹間馬鞍埠頭

廿一日亭公祀序

新歲拜年後余筮元宵起程應試杯酒話別竊念

先君以七十一終大哥亦以七十一終均有老邁狀
惟二哥鬚髮雖斑步履如三四十時矍鑠異常壽當
可視吾父吾兄過之時復以選教事囑吾料理意謂
如此健強可不作是想比至京及落第後畏暑畱都
至七月始買棹言歸舟次楊州候袁帝載親問及家
鄉突云二哥有恙吾應之曰偶爾違和必無大慮自
此之蘇之杭之姚江之丈亭遇親故卽問俱道平安
余對僕自詡以爲料事之多中也及到西門倏聞哀
信淚泫泫下始歎新正話別之會卽兄弟永訣之會

不意二哥竟又以七十一終也。能無痛哉。念二哥以
歲進士將選教職而終不果。幸有遺產且二姪生齒
繁盛又善守成。何可不定祀產。今議將西鄉并屋外
田存爲二哥祀田。以備春秋忌諱之費。二姪輪流當
辦。祇數規例。列後。惟願今茲兄弟敬奉老母。式好無
尤。更望後世子孫世守烝嘗。勿替先祀者。則二哥之
所望於後嗣而吾亦當稱賢。阮於勿衰也。已乾隆二
十二年丁丑臘月之吉。慕亭夢元尹仲甫拜叙。

日亭公祀序

憶自甲子年余與胞弟析箸以來懷遵先君嚴命將
戶內條糧秋米卽以吾父一諱一字新立兩名公派
輸納戶雖各別而田尙未分每年各投糧而同管業
每畝對分穀而共收租迄今一十四載從無他議者
蓋由先君在日初心實指望吾兄弟輩家道興隆各
置己產仍將分納糧田合歸總戶以作父祀誰想十
餘年來事不從心後十□□□兩年間另起一意將
所蓄館資置產作祀典得灣頭□字號民田兩契用
過價銀壹拾□兩□錢共田壹畝柒分數年之內正

在發心伊始詎知天祿將終倏於丁丑大晉望後二
日一旦仙逝又不克如意嗚呼天不憖遺人莫能迴
天挽救父未了之願子猶可代父補償余同胞弟相
商意欲將西鄉并屋外田統歸作祀以竟父志庶幾
上畢前人之心願下立後世之規模此正一舉而兩
得者也吾弟應之曰然兄見極是卽當從命因而請
序於三叔父設立輪流祀簿斟酌世守規條限定羹
飯日期記載餽饌項欸註明存祀田畝開清細號土
名總而計之且不滿拾畝之數更兼典業多而永田

少似未可以定局然就目前而論辦祀本屬有餘而
以言乎日後人烟繁盛恐難爲繼議得清明生辰忌
日三次羹飯男女大小一體享餽其餘概不爲例此
不過草而創之暫作通權之計並非久長之策自今
以後但願余與吾弟子姪輩同心協力樂觀有成舉
凡從前所典之田願永者務必歸其找價而轉絕契
願贖者隨卽取其原價而置別田缺則補之少則加
之異日增廣產業則重興祀典另議年規正不獨余
一人之所厚望也乾隆二十二年強圉赤奮歲涂月

上浣吉日不肖男兆奎承之氏百拜謹識

祀產花條 湖田壹畝伍分 揚漕湖田土名長坵

民田陸分 屋外土名西車頭

陸分 屋外土名東車頭

貳畝 屋外土名筩下坵

壹畝壹分 屋外土名第二坵

伍分 塘外土名路頭

肆分 塘外土名鞋拔 壹畝 西壩石路頭

壹畝壹分 灣頭 陸分 灣頭



畝西匯頭坵每年計收租穀錢柴百文

已上通共湖田一畝五分民田七畝九分

案曰已上各祀俱屬乾坤房之支惟大祭祀

祭埽始祖墓典實係星海公祀內乾坤房權

辦冀我各房子姓勉力倡捐仍歸繼述會祀

舉行輪當得以共竭孝忱庶慰先人之志願

矣

仁祀原序

朱柏廬先生云祖宗雖遠祭祀不可不誠苟能誠意

篤於中蘋蘩蕓藻之菜筐筥錡釜之器潢汙行潦之
水皆可以昭忠信似無庸立一格以定其制第世遠
年湮子姓繁多能保其久而勿替歟我兄弟二人於
本年六月分爲左右兩房猶不免樹大之分枝耳因
本我
先考妣奉先之意而達之楮墨生諱日期厝葬地方
祀產畝分祭筵規式享餼人數一一列於後以垂永
久亦先簿正祭器之意也使後嗣子孫知報本追遠
歲時奉祀緝閱祀簿之餘執事有恪謂此簿有典有

則可也謂此簿不愆不忘亦可也所尤望者繩繩綿綿追遠惟誠且繼長而增高踵事而增美庶副我今茲之意也夫時在道光七年歲次丁亥荷月嗣孫作

霖舟敬立

木德仁祀紀略

吾宗之居鄞相傳宋南渡時少宰公自河南扈蹕至鄞遂家焉明季居西門外柳莊坊下麥場遭回祿舊譜失傳各房遷居高塘墩我一族之居其地者數高祖瑞玉公諱光孝為茂林公次子遷居乙未坊生

二子長殷求公次爲我

曾祖炎菴公年十九赤手進京辛苦備嘗設業藥肆
勤儉起家晚年回鄞始卜居紫薇街三壽坊其時留
京師承藥肆業遂占籍順天者爲殷求公第三子應
占公先以入繼炎菴公後炎菴公連舉四子三卽我
祖立齋公生子二長輪橋公次晦谷公分爲左右兩
房各執祭簿輪承祀事逮今子姓漸繁各房居處不
一且祭簿僅右房尙存不得不亟與諸弟同議以舊
耐旁支祖另立簿正爲元祀外凡我

祖以上一脈承承生卒日期葬處墓向產業契券前簿所未詳者悉爲補入而格不與與
始祖祀每歲長至有繼述會與高塘墩族合亦附見焉更有紀者繼述會祀簿以炎菴公與殷求公良佐公均載爲仁房仁房之名所屬未敢臆斷誠讀輪橋公草譜謂炎菴公忠厚居心時人皆頌爲仁伯因房分亦以仁名今四世合祀之曰仁足表炎菴公承先啓後仁聲遠著之意後之繼志述事者仰體先意益以光大其門閭而復擴其矩矱斯則誠輩之所厚望

也夫同治五年丙寅正月之吉三十四世孫自誠同

謹識

命立元祀序

殷求公者第三十一世我曾王父炎菴公之兄也諱
良弼配周氏生子四長諱肇龍四諱肇彪俱早卒三
諱肇鰲字應占已爲炎菴公後承藥肆業入籍順天
得以奉
殷求公祀者諱肇鳳行二字曰鳴岡者也鳴岡公子
二若斐然若采臣皆婚而未出遽殂中道其應入繼

者雖有應占公之孫而南北遙隔不克逢時展墓嗚

呼來公脈皆藉舉風沐二字曰

殷求公三世相延誕忌時節非我父我叔父莫與承

其祀矣且也應占公之既繼我炎菴公也而炎菴公

始連舉四子大伯祖肇某公四叔祖肇信公皆早世

而二伯祖言可公偕我王父立齋公恪遷炎菴公遺

命亡過兄弟祀無或缺既而言可公又乏嗣我父與

叔父昆季二人門戶凋零欲繼不得欲祧不可不得

已權與

殷求公合爲祔祀計豈我父我叔父本意哉今誠輩
俱老矣使猶不仰體先人之意亟爲釐正恐誤以傳
誤支系莫辨祀事不明則負慙於先世者卽滋遺議
於後人因商諸諸弟妥定章程以

殷求公之子若孫兼及我
伯叔祖言可公兄弟合之專立一祀名之曰元紀其
長也冀其事之大也而尤望世世子孫其體諸當日
立祀之始意云爾同治七年戊辰涂月三十四世姪
曾孫自誠新同謹識

敬祀序

顯考晦谷公爲立齋公之次子與輪橋公事生曾大
母先大父母以孝聞旣懋遷客蓋州復客閩信義爲
人所推重其克相內庭者爲我
顯妣太夫人姓袁氏循介婦職以孝慈恭儉佐我

顯考迨

顯考之自閩返甯在乙巳之正月也是年秋歿享年

六十有八距七年

顯妣棄養享年七十有一葬小溪之後河衙噫嘻


顯考南往北來與

顯妣勤劬數十載予小子不獲夕膳晨羞稍盡薄養
而至今日始僅修祀典歎矣哉雖然先簿正祭器亦
急務也不立一格以定其制世遠年湮子子孫孫安
保其久而弗替况先世祭祀有長至繼述會與城西
高塘墩慈谿章橋族合太高祖茂林公迄大父立齋
公凡四世總曰仁祀左右兩房輪值祀簿各已重訂
惟
顯考之祀尙未議立規式爰與諸弟商酌粗定條規

予兄弟恭寬信敏惠五房依次輪值世世子孫其遵
守勿怠立名敬祀以

顯考字敬亭且示後人毋忘誠敬之意古人以王父
字爲氏今以字名祀當亦無悖於古云同治七年歲
次戊辰正月庚戌朔十有五日甲子男自新沐手謹

序



典禮備攷

一神主 坊記祭祀有尸宗廟有主尸暫也祭則有尸主常也廟必有主皆所以依神先儒鄭康成許慎有大夫士無廟主之說徐邈清河王懌及近世汪氏辨之特詳公羊曰虞主用桑練主用栗穀梁曰喪主於虞吉主於練蓋神不可一日無依故始死依重既虞則重埋而桑主作練則桑主埋而栗主作栗主吉主也若不祔何吉之有○萬斯同羣書辨疑曰案主以依神廟以

藏主有廟則有主豈有大夫士許其立廟而不
許其立主乎若因大夫士之祭言尸不言主遂
謂不得立主則儀禮初未嘗有王侯之祭禮也
何從見其言主而斷大夫士之無主乎至束帛
依神結茅爲菽之說實妄談不經乃因許鄭之
言自晉以後士大夫多不立主或爲祠版或爲
神帛不敢僭上也致使廟中無主而鬼神無所
憑依則皆許鄭二子之過也○按主之制不載
於經然衛次何休杜佑俱有尺寸伊川程氏定

爲主式作主用栗取法於時月日辰跌方四寸
象歲之四時高尺有二寸象十二月身博三十
分象月之日厚十二分象日之辰刻上五分爲
圓首寸之下勒前爲領而判之一居前二居後
陷中而書爵姓名行合之植於跌竅其旁以通
中如身厚三之一居二分之上粉塗其前以書
屬稱旁題主祀之名加贈易世則筆滌而更之
外改中不改

一神帛萬斯同羣書辨疑曰案古禮無神帛之

說自許鄭誤以大夫士無木主遂謂大夫束帛
依神士結茅爲菴自魏晉迄唐宋士大夫守許
鄭之說皆不敢立主又以神之不可無所依也
不得已而易之以祠版究未嘗純用神帛之制
亦可知神帛之非正禮矣但據許鄭之意原以
神帛代木主非木主之外又有神帛也自程子
定爲木主式而朱子家禮因之則士大夫俱得
用木主矣既用木主可以不用神帛今家禮初
喪之時設爲魂帛以代重則分魂帛與木主爲

二矣然神帛設於既虞之後魂帛設於未葬之前則朱子之魂帛非卽許鄭之所謂神帛也今世俗相沿未有不用神像者既用神像而復用魂帛將使祖宗之神依於像乎依於帛乎兩者皆後世之俗禮擇其一而用之甯神像之爲愈也

一神像 萬斯同羣書辨疑曰案神像之設或以爲可或以爲不可然亦揆之於人情而已度今之世無有不用像者衆皆用之設獨矯情焉於

心慊乎否也况圖形之說其來舊矣文翁之講堂爲土偶以像聖賢人不以爲非也土偶猶可而畫像獨不可乎先聖賢猶可而吾人獨不可乎人子當親歿之後亡矣喪矣不可復見已矣歲時享祀一展像而儀容如在若親其笑語焉若聆其咳唾焉悽愴悲懷之意蓋於是而深雖歲月已久而吾親猶然在目也獨非人子之至情哉故曰當揆之於人情而已

一銘旌 漢人絳帛爲銘旌三品以上長九尺五

品以上八尺七品以上七尺題某官某公之柩
內喪書封某品某氏之柩懸以竹桿依靈右

一宗祠 廟制大夫三適士二官師一今不論卿

大夫士庶一族各立一廟名曰祠堂或族大者
分支祠此由於崇法廢祭不以宗子故也然
名異而實同禮云君子將營宮室宗廟爲先宗
廟正不可緩宜與

一始祖 程子謂厥初生民之祖惟天子得祭之
此說似未盡然古之所謂始祖者在諸侯則始

封者也在大夫士則別子也後世封建不行則
爲有國之始祖者寡矣然有大功勳爵至王公
者雖無土地宜與古諸侯等則其子孫宜奉爲
始祖而祭之矣又後世天下一家仕宦遷徙其
有子孫繁衍而成族者則始至之人宜爲始遷
之祖與古別子之公子自他國而來者無異是
亦宜奉爲始祖而祭之矣若崛起而爲公卿者
雖不可同於諸侯亦宜與古之九命八命七命
者等其子孫奉爲始祖亦與古人別子之義相

合朱子所云玉朝之大夫自上世至後世皆不
變其初來姓號者非卽此類乎故或建爲宗祠
或合爲家廟凡屬子姓羣聚萃處百世奉之其
義與祭別子之義相符不可以士大夫不得祭
始祖而謂之僭也

始祖而謂之僭也

支本宗

厥脈

一

也

書

一

也

一初祖

程子曰冬至祭始祖此厥初生民之祖

也冬至一陽之始故象其類而祭之立春祭先

祖初祖以下高祖以上之祖也立春生物之始

故象其類而祭之是始祖而下更有初祖吾宗

以

唐太史合諱奕府君為始祖

十七世諡獻簡欽之府君追為遷鄴始祖尊

二十九世一貫府君茂林府君合為一支星海府君


萬里府君並為三支本宗初祖一以仍舊一以

徵信也

一元旦禮以立春祭先祖又正旦有賀歲之儀

立春在正旦前後最遠不過旬日吾宗於賀歲

時即舉行祭儀似不蹈祭數之愆况神隱有元



且用牲醴享祀祖考

見二如亭歲譜

知古人亦有行之

者

一墓祭 展墓之禮先儒不以爲然周禮冢人凡

祭於墓尸則墓祭之禮周公已立之矣孔子葬

泗上子貢廬塚三年魯世以歲時祠孔子塚開

元第七十六云昔者宗子去在他國庶子無墓

許望墓爲壇如時祭祀則孔子亦有墓祭之說

矣○萬斯同羣書辨疑曰或謂墓祭之禮始於

東漢明帝嘗攷之於古竊以爲不然如武王行

軍祭畢則周初有行之者矣東郭潘間設祭則
周末有行之者矣張良上先塚必先祭黃石則
西漢初有行之者矣光武德李通必祠其父塚
則東漢初有行之者矣夫豈始於明帝哉特天
子率百官上陵則自明帝倡之後世遂沿之爲
制耳然古雖有墓祭而未必舉以寒食則與後
代之拜埽亦自不同其定以寒食爲節不知始
於何代觀開元之詔謂寒食上墓禮經無文近
代相傳以成俗意者起於陳隋之際乎然開元

禮所載拜埽之外別有上墓之禮則拜埽與上墓實分爲二拜埽無祭而上墓有祭不知何時始合而爲一也大抵禮由情起人情之所不能已者先王勿禁則祭埽之禮又烏可以已哉即使上世無之亦可以情起况乎古書所載又厯厯可攷也則夫以墓祭爲非可不必要矣

一中元 七月中元世俗惑於釋氏孟蘭之說謂之鬼祭豈可爲法維時新穀初登仿月合薦新

之義以之告廟名曰嘗新其名甚正近時新設
一祀事子孫宜世守之

一冬至 家禮四仲時祭外有冬至立春季秋三
祭義各有取冬至自始祖以下盡祭之吾宗於
是日祭畢子孫享餼卽寓合族以食之禮意良
厚乎

一忌日 禮曰忌日不樂又曰爲懿子之忌故不
入古人之重忌也甚矣吾宗祀祖先於百歲之
後祇祭忌日亦循古也

一几筵 退朝錄秘府有唐孟詵家祭儀孫氏仲

饗儀數種大抵以士人家用臺桌享祀類几筵
乃是凶器其四仲吉祭當用平面氈條屏風先
儒秦蕙田曰家語仰視榱桷俯察几筵祭統鋪
筵設同几几筵豈定是凶器臺桌既先人所曾
用便是合用之物謂之類凶器殊屬不經

一簠簋 大學衍義補朱子謂籩豆簠簋之器乃
古人所用故當時祭享皆用之今代以燕器是
平生所用亦謂從宜大抵人子之事親當事死

如事生事亡如事存吾之祖考平日所用之器
 如此所被之服如此及其死亡也而又別為器
 與服以事之豈不駭其見聞古人生用几筵俎
 豆死亦用几筵俎豆以事之今之人生所用者
 桌椅盃盤死所用者亦當以桌椅盃盤是即朱
 子所謂從宜者也政不必拘泥於古

一 餽饌 司馬溫公書儀用時蔬時果各五品膾

今紅 炙 今炙 羹 今炒 殺 今骨 軒 今白 脯 今乾 醢

今肉 庶羞 猪羊之外 麪食 饅頭環 米食 糕糗 共

醬 珍異之品 餅之類

不過十五品若家貧或鄉土異宜或一時所無不能辦此則各隨其所有蔬果肉麪米食各數品可也

一祭肉 昔人有省牲滌器具饌前祭一日主人帥衆丈夫深衣省牲蒞殺主婦帥衆婦女滌濯祭器潔釜鼎具祭饌今庶民家不能行此亦當務令精潔未祭之前勿令人先食及爲猫犬蟲鼠所汚如天道炎熱半夜起具之可也朱子曰凡祭肉臠割之餘及毛血之屬皆當存之勿令

殘穢以昭誠敬

一環餅饅頭 盧諶祭義曰春祠用饅頭湯餅髓

餅牢丸夏秋冬亦如之夏祠別用乳餅冬祠用

環餅也餅餌閒談曰餅搜養麥麩所為或合為

之入爐熬者名熬餅亦曰燒餅入籠蒸者名蒸

餅入湯烹者名湯餅其他豆屑雜糖為之曰環

餅和乳為之曰乳餅是環餅饅頭時祭必用之

物也吾甯於正旦特供大餅供畢即分給子孫

各家皆然是謂禮從俗也

一楮錢 唐王璵傳曰漢以來葬者皆有瘞錢後

世里俗稍以紙寓錢爲鬼事至是璵乃用爲禳
祓則是祭葬之焚帛錢起於漢世之瘞錢也後
儒謂鑿楮爲錢近於誣妄紛紛駁之唐禮書載
范傳正言唯顏魯公張司業家不用衣冠頗效
之竊謂錢乃人世所重必欲以真錢瘞之那有
許多閒錢如幣帛乃人工所織因祭而焚之殊
爲可惜今亦以楮代之康節先生春秋祭約古
今之禮而行之亦焚楮錢程伊川恠問之答曰

明器之義也邵子之言不能易矣

一酌酒朱子曰酌酒有兩說一用鬱鬯灌地以

降神則唯天子諸侯有之一是祭酒蓋古者飲

食必祭今以鬼神自不能祭故代祭之也今人

雖存其禮而失其義不可不知

一祭田毛詩楚茨言公卿有田祿者以奉祭祀

也有田祿可以藝黍稷而爲酒食可以絜牛羊

而備烝嘗而終之曰子子孫孫勿替引之凡以

見祭貴乎田而田貴乎克守也甯郡巨族率置

祀產其累享富貴者遞有所置多至數百畝少亦數十畝後人以次歲收租息值祀吾宗賴前人捐資置有祀田雖僅得幾畝之數尙可辦祀是在世守勿替且以望賢子孫逐時增置耳

一祭主 家禮乃士人居家一日不可少之書卽今便可按朱子做去但亦有難行之處朱子爲要存古故段段有宗子行禮今世士無世祿宗法已忘人家各以私置祀田故以齒尊年長者爲祭主先儒方承觀欲采榕村李氏家祭法以

貴者主祭而宗子與值祭者同祭直祭者以祭
田每年輪收辦祭者也其法主祭者居中宗子
居左值祭者居右然欲易今之宗長而以貴者
主祭世風已降有斷不能者即宗子亦有難行
惟值祭之人祭之潔與誠責有所歸不可不使
之同祭

鑒橋傅氏宗譜續稿卷九

藝文錄

題倉部袁公灼像

傅行簡欽夫

筮仕當年職度支平衡清操畏人知寅恭在位和同

列理學傳家重一時能擊武臣強似虎甯口宰執怒

如獅口口猶有絃歌化治譜真堪百世師汝南袁氏譜

題博士袁公文苑像前人

禽鳥春風樂與同有將理趣道儒宗兩朝褒賞衣冠
舊一德充融禮樂隆天地無心馳電馬人民有望慰

雲龍餘年八十無全食獨抱青山繼祖風

汝南袁氏譜

禽鳥送董佩公

劍鏢

入廣

傅攀龍

此去南州可萬程送君遙隔倍淒清三山夜月歸鄉

夢五嶺秋風過客情雞唱未闌看日出馬蹏不住聽

猿聲休嗟瘴癘侵衰鬢珍重羅浮活火烹

送董佩公

劍鏢

歸自嶺中却寄

前人

昔從梅州去今自梅州回啟囊何所有山川載勝來

既為山川主必多山川譜當共與同心不然雷電取

讀董子嶺東草寄贈

前人

遙誦壯遊詩寸心高千古唱酬鐵漢樓壁立當旌鼓
攜句問昌黎婆娑靈欲舞丞相此卜鄰君懷代爲吐
崖山今昔間不覺中情苦載歌嚴子灘灘頭日正午
把竿持贈君清風亦步武比來詩思佳不數庾開府

蘇林別董子乞詩

前

別君已無次多君贈我詩一筒聊自適何以慰遠思
董子出數帙問我遺阿誰異地有佳人情好堪相追
非不愛珍藏其人長念之見詩因見心爾我安得私

贈董大墨陽

前

仰君高尙風南山松柏友結廬絕囂紛著書不釋手
園栽千葉葵門植五株柳落月滿空庭古狂惟飲酒
案曰已上五首俱由董氏家譜采入

悼亡

傅攀龍蓉鏡

砧杵急雙雙誰家練曉霜遙思刀尺斷冷落翦衣裳
莫作征人婦良宵伴一燈黃泉與白日蕭瑟總如冰

寄兒

前人

不移高尙志避地爲遊燕貧賤本吾素詩文賴汝傳
東山祖墓近北道父心懸何日扶余杖銜杯樂大年

和如水七月十五泛舟至傅氏祖塋

傅維祖
海峯

涼風吹雨入新秋水漲隄平咽不流僧院孟蘭施鬼
食人家粉黛哭墳頭客行冉冉槐榆路舟過蕭蕭蘆
荻洲回首高城餘十里孤雲斜日擁譙樓

一幅秋圖詩爲傳風光想像亦悠然漸逢涼爽雲生
水未落繁陰樹接天獨對青山揮醉墨更邀明月伴
歸船何當卒踐西郊約同倚高林聽露蟬

周雒友先生輓詞七章之一
前
人

倜儻如公未易才
看看玉璞與珠胎
欽名羣羨奎旋

里把別難禁淚滿懷
前十九日間疾牀遂成永訣
家老昔年已半

謝辰午二歲中余伯父暨先君子皆相繼謝世
先生今日又云顏修文地

下徵遺獻從此衣冠幾度來

三至天津屈指十一年矣
賦呈總河顧公

前人

津門二到景如何
雉堞更新壯麗多
州衛換來今作

府始至時為天津衛繼改為州今改為府
齟糧歷後又治河
余追陪幕府自公鹽

臺任歷坐糧廳
今又至總河任
喜隨檠戟門前入
頻向芙蓉幕裏過

願附青雲圖不朽自憐頭白尚蹉跎

恭祝太夫人六旬初度

前人

思向護堂晉壽杯幾番歡怵幾徘徊青矜尚守青氈
舊丹鳳那銜丹詔來不敢金尊開夜月聊將銀燭隱
寒梅男兒久誓劬勞報獨抱頭顱轉自猜

誌喜

乾隆十四年己巳

前人

己巳正月二十二日曾孫喜見彌月作湯餅
之會老友郭南英林松濤李真臣贈詩誌喜
時余年七十有二郭林各年七十有四李年

七十有五合年二百九十五一堂羣仙聚會

頌所稱三壽作朋是也三君子倡韻余和之

人生七十古來稀喜見曾孫勝錦衣家有賜書供誦

習宦無餘橐薄輕肥鑿橋文獻傳猶昔故業荒殘事

已非三壽競攜珠玉至今朝湯餅助光輝

昔代掃墓 前 人

四埜蒼茫旭景紅雞豚和淚薦幽宮新墳舊墓雙親

在失養違親十載中 按公母氏太夫人舊歲壬寅逝世公自登賢書後屢試京都故

心以為 高蔚蹉跎已漸老詩書酬報竟何功解舟歸

歉也

去頻回首烏柏依依映遠空

三月朔日 皇上詣學搢紳士類皆得侍從

臣以居憂不獲親覩 盛典私有作

前 人

藻秀芹香春氣深雲移仙仗曉來臨園橋迎駕文明
景釋奠崇師鐘鼓音千聖微言明講席萬年正學啟
儒林自憐讀禮居都下空抱葵傾此日心

壽陳舍人魚門夫子四十弧旦 傅毓璋子達

世系傳封滿家聲溯育姜爽鳩徵有土鳴鳳叶其昌

派衍慈湖遠支分甬水長承先常守富積善有餘慶
欲誦先芬句宜歌祖德章儒風貞素履學業裕青箱
几杖延師重詩書督課忙筆床堆翡翠文苑積琳琅
式穀貽經史瞻喬著義方望隆楊子宅名滿鄭公鄉
作室謀偏永興宗願合償靈椿猶未老丹桂已先芳
象籥年臨綺鸞旂序列黃芹纔舉魯頌粟又食虞庠
屢作犀軍冠頻膺鶚薦揚量才逢玉尺鑑拔採珠囊
選入成均貴名分貢樹香梓陰深愛日梨果忽摧霜
未遂鵬搏志聊同豹隱藏機箴欽仇氏荻畫緬歐陽

母範稱嚴嫗鄉名播孝張葡萄親自奉湯藥必先嘗
捧檄期安令攀輿效太常素風甘縹被貴日待黃裳
萊綵方娛老蘭階並侍旁養仲烏反哺誼篤雁分行
和氣聯同被深情協對牀聯珠終友愛析箸豈參商
孝本同公紀賢應配孟光不圖荀奉倩竟作楚蒙莊
幸得尙書女充爲御史孃夢蘭旋應吉生荔早徵祥
掌弄憐珠玉心傳接縹緗持躬原儉樸處世最溫良
雅望齊文範才名敵子昂家修欽表率國是賴斟酌
有義推金諾無私擅石腸急公徵助帑儲餉勸輸糧

講習叨留館提撕憶負墻杏壇爭拜孔槐市競推楊
會友聯文社衡才仿試場鵝湖聽鼓吹鹿洞龠笙黃
備數符東海從遊聚北堂樂羣終不倦飽德更難忘
此日逢初度其年記曰強浣花宜讌賞伐木並賡颺
喜晉生申頌恭稱弟子觴立人仁與義俾爾壽而臧
芝草啣仙鹿檄花頌吉羊長生還久視願共拜金剛
萊絲壽陳刺史魚門夫子五十百韻前人
聖主初登極羣公效贊襄吾師植幹器當代斗山望
人仰功言德天私福壽康殊勛書竹素優詔錫麻黃

鷺序班聯玉鸞笙曲奏琅及門操几杖末座厠冠裳
幸侍春風久欣逢夏日長受恩叨汲引作頌敢鋪張
遐溯振麟祚遙徵卜鳳祥姜山縣世德慈水衍餘慶
業裕傳弓冶謀貽富縹緗安仁思擇里敦悌表旌坊
遺蔭垂彌遠先芬誦不忘高曾畱矩矱品望重圭璋
卓卓鴻名著恂恂雅度彰勳猷根孝友性道蓄文章
星斗羅胸富烟雲脫腕忙雄詞宗兩漢傑句祖三唐
戊歲聲蜚頌丁年餼食庠姚崇招入座趙槩許升堂
繡把金鍼度才憑玉尺量拔茅占彙吉貢樹發奇香

蓉鏡祥初兆椿庭蔭遽涼烏銜墳助讓馬鬣墓封防
誼篤分田薛情敦共被姜壘篋音翕合棣萼集輝煌
學慕康成博婚求德耀良夢遲蘭擢秀瑞叶荔生旁
頭角崢嶸挺髻齡憶氣昂紀謀能繼實詩禮並傳亢
玉樹枝榮謝銅盤饌具楊一家真聚順三黨藉分光
廟貌新輪奐宗儀肅裸將譜摹明允法產助德高莊
俎豆虔誠奉軍戎竭力勦韜鈴頗與牧謀斷杜兼房
山搗陶公險臺脩史相荒家資傾卜式治績佐文昌
青瑣標名氏丹山作保障民方安衽席寇又擾池隍

擊鼓兵興衛彈琴戾解匡桃源人境隔萱寢母心傷
法駕歸西竺孤兒泣北邙白衣招義勇墨經列戎行
略自懷龍豹關先破虎狼雄師屯北岸巨艦會西洋
士有同仇志軍無隔宿糧運籌操必勝有勇且知方
露布三秋疾風聲八月狂枕戈同越石草檄擬賓王
信久昭殊域兵仍借外羌雷轟驚霹靂電速掃欃槍
仗義行吾素成功聽彼蒼畱侯真事業叔子舊行藏
詩頌橐弓武

恩宣解網湯鴻噉歌孔棘鳩集奠維桑蔭樾身甦暘

噓枯骼掩霜凍謠黃竹苦煖遺白棉裝濟難勞移粟
扶危請發棠市寬塵布納賦減戶鍾償藉此通商旅
欣然解橐囊濬渠脩道路補石造津梁偃武功初奏
修文事不遑羣經刊傳注舊誌輯遺亡夏校掄材地
秋闈選佛場月湖新講舍泮水峻巒牆蚨集籌偏速
翬飛詠允臧單寒依杜厦科第盛枌鄉展布拳拳切
調停面面當近憂兼遠慮挈領復提綱才略千人俊
精神百鍊鋼太冲優保薦君仲屢申詳
詔疊泥丹錫翎榮孔翠颺蘇臺新刺史薇省舊仙郎

朗照同懸鏡廉名慕挂牀爲居鄉里久藉救庶民殃
星駕畱濡滯雲衢謝頡頏衙齋迎倒屣賓館賦承筐
談笑惟風月心期切雨暘非公常不至保惠自无疆
趨世無炎態逢人有熱腸交情聯縞紵習俗掃粃糠
榻每延徐穉車多客孟嘗志卑嗤燕雀躬儉厲羔羊
學易期無過劬書克自強傳經追伏鄭受教酌師商
絳帳箴垂馬元亭字問揚桂蘭聯步武桃李競芬芳
末學慚孤陋中懷抱恐惶材非同杞梓品更異琮璜
親炙光風範時沾化雨滂森森覘武庫作作覩文芒

敢擬游楊立還如籍湜僵十年承教育三載效趨蹌
侍坐言其志從公戒不獲青雲陪鶚薦碧漢逐鸞翔
願介先生壽恭稱弟子觴獻詩酬玉局申祝禮金剛
艾算符著策櫻盤佐蔗漿會看鶯領宴珥筆答鴛鴦
壽陳太守魚門夫子六十七律兩章

前
人

百韻曾歌介壽篇艾齡晉祀記當年崇宏功業定垂
遠強固精神更勝前桂折鯉庭榮倍至蘭徵燕室喜
還聯 國恩家慶綿綿集蔗境欣瞻景福全 雅尙

從來少宦情謝公出處繫蒼生江南久切攀轅望冀
北羣歌挾纊聲不設成心胸次闊最難陰德耳中鳴
新詞孰奏南飛鶴好傍門墻一曲賡

輓宋觀察蓮叔世伯

傅毓璋子達

昔我上高公與公訂蘭譜推愛及先君晨昏樂團聚
而况同里居相望若比戶幸作季雅鄰愧托伯鸞廡
小子叨垂青許與竹林伍雖未坐春風亦自沾化雨
今夏罹鞠凶高堂悲失怙爲溯夙世交塵念鮮民苦
公自賦遂初隱居若老圃衡文得暇餘過談忘覩縷

屈指數同庚晨星得四五醪飲當壽筵一歲輒一舉
藉以慰暮年彼此迭賓主尤念忠節昭後先如接武
公家有仲兄我家有伯父殉節踰十年表忠各千古
公有吊忠詩哀情出肺腑平日向我誦數周爲言付
我當存畱今公倏作蓉城游作詩輓公雙涕流嗚呼
定知重泉老友相會晤悲喜交集還各增煩憂

輓徐舍人柳泉先生

前人

人才關一世壇席間無主海內大文章寥落指可數
先生才槃槃孝友聲早樹扛鼎輕龍文落筆橫牛弩

小儒驚且僵。咋舌不敢吐。謂當凌班揚。下乃逐李杜。
手筆何淋漓。蔚爲詞賦祖。雅音祛繁絃。協律入樂府。
一斗一石酒。豪氣到眉宇。論議破昏冥。言辭埽門戶。
門有問字車。字字校魚魯。著書無暑寒。讀書無今古。
偉業在名山人。慕快先覩天。亦忌其才卷。軸一炬付。
先生不畏天。斷殘一手補。逸響嗣雙非。深甯相接武。
先生巋然存。位置孰與伍。先生陡然逝。雷門誰奏鼓。
風會日下趨。俗學日莽鹵。何可無先生。鄉國爲底柱。
賤子媿不才。鄙陋無可取。往來廿年中。恨未門牆附。

悵望舊音容千秋一坏土歌哭挂名耳安敢託不腐

風會日不歇

求主不長

翰業亦香


門前開

一水

平筆

水

水



贈答附錄

傅堯俞濟源草堂

蘇軾東坡

微官共有田園興老罷方尋隱退廬栽種成陰十年

事倉黃欲買百金無先生卜築臨清濟喬木如今似

畫圖鄰里亦知偏愛竹春來相與護龍雛蘇文忠公集

題鄉先輩傅蓉鏡尺木詩鈔後兼勉其嗣芍窗

孫蔚守荃

曾看荆棘臥銅駝淚濕青衫喚奈何六子聲華推領

袖時稱北郭諸子半生鬚鬢老關河鑿橋舊宅兵戎

改汝水先賢惠澤多其十四世祖為新息長寄語後

昆須繼起莫將祖業付烟蘿蓉鏡亦嘗久游於此

贈傅石滄即芍窗四章之一 前人

家聲赫奕鑿橋南舊宅於今不忍探茆屋斜陽飛紫


鳧桑畦細雨落紅蠶遺書未鬻埋頭讀生計多艱用

力擔文簡高風猶耳熟欲恢先業信奇男

聞傅芍窗以硯易贖戲作截句送其赴試

前人

我欲閒拋共筆焚君還高價索連城從知不待磨穿



鐵便可搏風九萬程

題輪橋傅先生竹石圖

韓崑朗山

少壯曾相識頻經卅載餘
風塵健游屐竹石愛吾廬
別有傳神處重尋會面初
鬚眉今異昔一笑竟何如

王德沛竹生

瀟瀟數竿竹嶙嶙一拳石
中有素心人鬚眉色俱白
竹虛作我師石介爲我友
願拜君下風歲寒勿失守
極目竹汀竹長懷雲石雲
於此間少住別離何足云

槐萼君

體玉之溫貌石之璞讀書求是虛懷比竹 見面見

心宛在此幅靜對無言清風穆穆 見面見

趙北燕京廿載留推襟送抱徧交游只因合得虛心

解頰石當前亦點頭

晦谷先生客閩多年歲乙巳正月望後二日歸

少堪曾里門於其行也贈詩別之二章之一

東野 董義析 杏生

杖履追陪兩載更是翁矍鑠羨精神客居久慣閒愁

少世事旁觀冷眼清幾卷堪輿耄好學一枰棋局夜
移情不冠終歲冬如夏猶自裝棉笑後生

二章之二

開徧梅枝北嶺傍春風催客束行裝泛湖却笑逃名
隱入室應誇晚節香滄海曾經資話舊高堂偕老樂
情長悵余久處難言別唱到驪歌寫數行

體正之盛親也之其讀書求是虛懷比竹

心定在此無言清風穆穆

辭是則余入與職言限即陸飄飄瀛海

翻大室飄蕩無倫香愈我曾孫資藉書高堂

開扇赫赫出扇粉春風對容束行楚我賦法笑

二章文二其行也則其也之二首之

蘇辭不返蘇與冬收夏餘自楚蘇笑

少世事與購命朋辭楚卷蘇與筆我學一林楚風



貫珠集序言

琦魏公

余先世自宋行簡公中嘉泰壬戌狀元逮至元明代
有文學遠者吾弗論已明季曾祖高節爾光公授工
部職銜所著有閒吟詩草易經彙解口餘卷祖蓉鏡
公郡學博士著有尺木集詩抄并文集等卷顯考海
峯公中國朝康熙辛卯第三名鄉魁授福建漳平令
著有詩古文集藏於家迺我父筮仕以還年臻耄耄
余家兄弟早廢儒業於先世遺稿大半散亡淪失而
琦生又晚不克見祖父手澤又烏能盡其全書而讀

之哉幸天祐斯文聊存什一於千百余於成童時稍
添知識從破篋中搜而得之其間字句之磨滅首尾
之脫落幾多不可卒讀然亦屬吾祖與吾父者而曾
祖之間吟詩草觀其卷面係地支十二字分編今僅
得亥集一本他俱不知歸於何有矣嗚呼以吾家世
之窮經力學一脈相承乃由余身推而至於祖父統
凡三嬗已不能覩其大全更何論夫高曾之架篋也
然而門戶凋零其危者正如千鈞之繫一髮焉而猶
得收拾遺燼足供一家之掌故不可謂非不幸中之

一幸也今小子勢孤力薄不能付諸梨棗迨前人光
若愈久而愈失其傳不幾重干罪戾擬將三世詩稿
另抄成帙茲先集蓉鏡公遺文若干篇錄爲一卷後
以海峯公文稿附之而題其集曰貫珠蓋以明月之
珠不可多得而再得其雙輝並耀其寶貴何如乎今
予讀祖父集意亦取諸此也原集中有蠹蝕者有鼠
傷者予不忍其文義之就湮故於可通之處稍從而
增補之其於不可通者則闕其疑而空白之以俟四
方之賢人君子匡予不逮論定而獲全焉則歿存均

感矣夫旁搜遠紹便謂足當家學之仔肩藐藐予末

小子亦奚能勝此任哉乾隆庚寅冬十一月朔日

山洋地理綱領序

自新 新竹安

地理一道本不敢言自新奉

顯考晦谷府君遺訓人子於親既須知醫復不能不

知地理蓋所以保親骨於萬億年也府君素精於易

擬改葬先大父母計嘗博覽名人地理諸書悉心揣

摩登高陟險體會山川性情閱歷古今塋墓學習數

十年自新耳聆心識經府君之斷定者到今一一應

驗益信府君識力兼到所覽之書甚真確所論之法
極精微遺言鑿鑿可傳無疑然府君小心謹慎不敢
聰明自用亦不願見取於人自新常以不能繼述爲

憾今

自新

頽然老矣懼過此昏耄失墜也敬憶府君

所口傳者理氣巒頭就簡要以著於篇曰山洋地理
綱領用示世世子孫永守無斁凡遇葬事俾胸有把
握勿任聽昧昧者之指東話西云

同治七年歲次戊辰太簇月上浣

對於升麟和粗客之能東詰西云

元本無同前下

非與定人

隴巖俱示世世爭新派安無輝凡數藝事新州有


派口勤春野氣戀頭淋論是越春然論由山并此

熱合自難既然矣歸世或春筆夫劉以於融保

觀世自取亦不願良運城人自常以不請錄

淋滿遊以言總至可勤燕然冰保小心勤身不

鯁益許以存痛代兼隆浪實之書甚其勤浪信之



鑒橋傅氏宗譜續稿卷十

贈言錄


壽詩

壽敬亭傅先生德配袁老孺人六十

陳掌文

竹人

故家喬木幾經年，獻簡家風海內傳。
數典應知遺澤遠，有懷先世每拳拳。
海屋添踰六度籌，依然少壯興還留。
勤勞歲月渾忘却，老去三山徧處游。
和氣祥光藹滿堂，田荆謝草共芬芳。
內庭白髮如賓敬，德



曜相隨勸一觴。樂事多從至性來。當年華黍譜南

陔。從今笑看斑衣舞。憶否重闈喚老萊。

壽竹安傅先生五十有五暨配胡孺人五十

何琳韻仙

康強本是地行仙。雙壽欣逢百五年。姑射觴傾明月

下樂天詩詠好花前

白香山有今年花前五十五之句

鶴籌從此遐

齡祝燕喜還期老福全。他日更添周甲頌玉梅香處

醉璫筵

鎮海

周

和敬菴

積善有餘慶此理昭冥漠傳家千百世相報終無錯
同里有傅君忠厚家聲作憶昔宋少宰遷鄞土宇拓
遞傳至乃曾服賈游京洛遺物天賜之相緣膺秩爵
居心晚更恕失鏹不追索乃祖逮乃翁敦厚仍如昨
析產獨讓兄友于性自若克家君不愧弟兄輝華萼
賴君獨成就戚里交稱各君又善嗜書不願肥囊橐
淑醜內助賢佐課燈夜讀慈孝本天然庭闈有至樂
登堂慶偕老大啟長生籙木公與金母歡然共一酌

隱相... 一... 多... 往... 至... 此... 書... 年...

登堂... 夔... 計... 考... 大... 娘... 昇... 主... 繪... 木... 為... 典... 金... 卦... 林...

賦... 酒... 肉... 肥... 實... 分... 點... 繼... 交... 齋... 慈... 奉... 本... 天... 然... 到... 關... 到... 聖... 樂...

諫... 昔... 繼... 起... 疏... 里... 交... 酥... 谷... 保... 又... 善... 割... 昔... 不... 賦... 眼... 麗... 藥...


淋... 瀝... 繼... 起... 只... 文... 干... 卦... 自... 昔... 京... 案... 昔... 不... 到... 派... 只... 戰... 華... 華...

景... 必... 強... 更... 感... 夫... 繼... 不... 敢... 案... 代... 脈... 凝... 氏... 僉... 鳩... 鳳... 沙... 沙... 祖...

繼... 辭... 至... 氏... 曾... 照... 賢... 敬... 京... 谷... 鬱... 幽... 天... 顯... 文... 沐... 絲... 凱... 殊... 獨...

同... 里... 育... 斯... 皆... 忠... 厚... 案... 贊... 升... 憲... 昔... 宋... 少... 幸... 數... 獲... 土... 宇... 計...

蘇... 善... 育... 淵... 颯... 此... 聖... 以... 冥... 戴... 軒... 案... 千... 百... 計... 沐... 躅... 絲... 地... 餘...



輓詩

哭仲兄日亭先生四十八言

夢

元

慕亭

生人何事最相憐。骨肉凋殘意欲顛。矧我歸來歎永
訣。追思夙昔涕漣漣。憶余七歲將就傅。先君愛之多
方護。兄體親心教我書。早點夜誦無少誤。比至九齡
入書堂。嚴師遇我異尋常。竊語父兄宜作養。我聞此
語意氣揚。昊天不用喪吾父。年方十二悲何怙。遺業
惟兄勞。主持俾我優。游親藝圃壬寅學。憲按吾鄞余
媿操觚粗有成。幸荷文宗詢子弟。二兄一舉獲采芹。

百尺竿頭初進步談文論古忘朝暮未能食餼紹兄
名因之有試我必赴棘闈同赴十三科魁笈元燈共
揣摩余乃僥倖宴鳴鹿兄亦顧之喜氣多新春趨我
再赴試啣杯話別意甚摯詎知雁塔未題名反致雁
羽悲折翅聞兄病臥屢思余定有深情未見抒永別
同胞情若割豈徒卜葬遺吾書我到淮揚問安否隣
友說兄臥北牖竊謂兄如矍鑠翁偶爾違和當无咎
歸舟甫駐望京門聞訃旁皇欲斷魂遺照空懸傷寂
寞憑棺一慟幾忘殮念我微忱慕旣翁兄而逝也悲

孤立謹述生平誌不忘誅詞書罷青衫濕

常哀輓岑芝傅先生

王士瀛

亦川

昔聞聖人言仁者必有壽此理詎終虛積豐報不厚
如公至性敦孝養率子嬾悠悠恨終天後先哭父母
祭葬盡禮經曾不恡所有養姊撫遺孤高誼同杵曰
親親而仁民大義昭江右襄成乃弟廉清風懷兩袖
守土終死國報恩猶恐負家法垂儉勤諄諄訓其後
冲容氣度寬不出矜伐口貽謀冀保世寸心忠厚守
大略綜生平制行俱不苟積善降之祥天年宜永受

如何溘然逝惆悵神傷久抒寫歌當哭淚竭為老友

收容... 孫學星史

耐此多愁多病身八年辛苦走風塵飲來只有西江

水依舊家居守素質持躬謙退似無能古道衣冠

眾口稱忠厚存心知有自巍巍世德溯高曾一經

教子勝黃金藻秀芹香擷頰林庭誥深期守范硯少

年最惜寸分陰舊秋祝晉古稀觴矍鑠精神倍異

常哀訃倏傳三月後忍教往事話重陽

傅心芝大令死事於上高縣張

恕鐵峯

憶別二十年顯晦各分道君方任繁劇我已坐衰老
警報來江右賊勢逼城堡官兵望風遁衆虜乘虛搗
君乃率鄉團欃槍誓立埽臨陣齧齒牙塗地委肝腦
自甘身命捐不作明哲保人生百年爾立名苦不早
百年止一死焉能復草草君死實未死生氣彌大造
龍州導先路王君秋槎吉安訂同好王君琴仙讀書得完節品
行良足寶遺事錄頗詳藉有拾椽媪老筆弔忠魂淚
盡眼枯燥

定海
陳福熙蘇仙

斬虜豐功繼義陽洪都到處頌甘棠方欣縣譜傳家
學詎料書生死戰場紀績有碑民墮淚成仁無憾史
留芳神仙自昔多兵解想見飛昇在豫章

慈谿張廣埏雪君

君宦章江上臨民劇有聲性情殊激烈盜賊太縱橫
未竟生平志長留死後名昭忠同列祀毅魄總英英

刺史王秋槎太守王琴仙
司馬邵薌吟勦賊殉難

盧杰幼竹

生為循吏歿忠臣不負昂藏七尺身廿載京華居舊

地三旬望蔡重斯人名題蕊榜羣英冠績奏花封滿
縣春猶記辰年畱一面不堪回首黯傷神

秦運鈞

菁泚

記從把手話春明十載迢迢別緒縈纒向流花畱宦
跡瞥驚檄草報君情妖張烟海氛難埽身死沙場恨
不平慘絕魂歸千里遠襄忠還待錫哀榮

鎮海

王引孫

小竹

鳧影雙飛入豫章無端盜賊正披猖憑將一片丹心
在萬古長畱史冊芳

宋紹棻 蓮叔

十年但飲西江水一死能酬北闕恩
祇恨捐軀遲殺賊楚天何日慰忠魂
後先致命殉時艱首數龍州次吉安
今日得君成鼎足丹心畱與後人看

何琳 韻仙

憶我十四齡出就外傅始與君同館
塾相見輒欣喜君已弄柔翰雕蟲習小技
我亦志同方品學相礪砥後此數十年
隔君數千里挾策游京師出門求祿仕
君才真不羈盼轉拾青紫蒞榜果高登
聲名驚鵲起

拭目奮鵬程春官作桃李鬱鬱志不舒久居長安市
江右本名區出宰蒙任使服官十二年鳴琴稱善理
誓節清若冰盟心澹如水嗟我困青氈望君常仰企
君志亦少酬君年將老矣烽燧警偏隅于戈不足恃
一鼓埽欃槍勦賊期滅此仗義竟捐軀忠勇誰與比
死也猶如生如君真不死碧血與丹心千秋表青史
循吏卽忠臣巖疆當奉祀魂兮倘歸來秋風悽入耳
作此巴里歌以當哭君誄

洪璇樞

筱鄉

十年政績紀循良何物么麼盪我疆志欲着鞭爭越
石齒緣臨陣裂睢陽遺骸裹革收荒壘灑氣騎箕返
故鄉聖代昭忠懸盛典崇祠俎豆共馨香

勵

綱

紫章

頻年狡虜擾西江誓復城池氣肯降陷陣先拋軍士
甲銜堅猶擁宰官幢薰琴保赤災黎痛血戰腥紅賊
膽慄天聽矜憐優典卹依依主僕慰魂雙

義僕錢景
同時捐軀

陳

勸

詠橋

聚首京華廿載前追思往事意茫然仙蹤莫返王喬

烏壯志空懷祖逖鞭仗義誓師拚一死
褒忠有詔慰重泉靈旂瑟瑟秋風裏
愁聽招魂楚些篇

張祚康

篆園

誓掃妖氛保上高羽書兩捷振軍旄
功成望蔡金甌固困解章山鐵騎
囂戎士潰營塵滿野宰官殺賊血
盈刀捐軀忠勇邀天獎千里歸魂贖戰袍

張善元

鏡初

戰場誰說書生怯不怕當前矢石臨
斬虜方期心似鐵交鋒竟至血沾襟
壯懷空寄班超筆清節且羞疏

廣金猶憶京華同榻睡至今令我悵人琴

徐時樑 柳泉

轉戰圖恢復倉黃復引兵丈夫終死國遺恨未收城

斷臂心還壯歸元面若生數行褒血詔忠勇史官旌

其一才脫廬陵轉旋歸望蔡喪 王琴仙太守本樞以前一年殉節吉安府吾鄉

官江西者纔二人至是而君復死之幾人官此土大節炳吾鄉刀劍都

陳座櫓槍尚有芒諸君英爽在應共下朱航 其二

徐時樑 子舟

歸舟談笑四千里宦海浮沉十二年寄語忠魂差足

慰京都老友有臨川

謂王琴仙

鄭瑞榕小補

古有南霽雲睢陽誓死埽妖氛古有楊邦彥溧陽誓
死敵王愾自來傑士抱忠貞無不光與日月爭我生
雖晚猶未晚不見古人見先生先生本是邦之彥自
少熟讀名臣傳在昔道光十二年同與先君領鄉薦
先君謝世四春秋先生綰綬稱通侯人謂先生際熙
洽澤民有志庶可酬先生才足齊卓魯治家况有理
縣譜出其經濟贊盛治豈曰驩虞僅小補慨自攝官

勤撫恤塵勞鞅掌常汲汲小試牛刀十二年纔授上
高叢爾邑此邑一城大如斗二十八日新藉手陡然
逆焰肆鴟張無兵無餉難死守死守不足報君恩請
纓亟赴細柳屯募兵二千勇五百誓殄諸賊游釜魂
嗚呼噫嘻傷心哉陳元僕名之報胡爲來壯志未酬身
不保裹屍馬革良可哀不埽諸賊圖恢復我知先生
不瞑目哀原一月面如生忠精肯讓袁瑤獨魂兮歸
來甬之隅几筵拜奠薦生芻陰風四起雲慘澹彷彿
望見雙飛鳧

七招詩

董沛覺軒

一 招太平府同知王公淑元字是聖號秋二

招吉安府知府王公本梧字鳳棲號琴四招

福建通判呂公文烝號棗莊五招壽昌教諭

宋公紹周字仲穆六招金壇知縣李公淮號

小石七招光祿寺署正鎮海胡公枚字少文

其三招上高知縣傅公自銘字新之號心

危城倉卒守無計敢以偷生忘大義東西奔走乞援

師事成不成未可知到頭一決完始願隻身枝梧隻

手斷嗚呼三招兮公歸來西風吹送章江旗

附 聯句

輓鄞縣心芝傅大令

江西按察使

鄧仁整

仕小邑僅彈丸耳募義兵八百拚自殉城想爾時報
國捐軀感公忠烈臨大節真君子哉作縣令十年
卒成偉績恨今日招魂酌酒媿我官軍

哭心芝夫子死事上高縣

受業

沈淮 桐甫

饒安在兵安在誰復與全城迺忠臣心事不忍偷生
報國無慚昭北闕官於斯死於斯此真能守土更

義僕身軀儼然罔盡及門有媿拜南豐

受業

王本棣

子韓

從先君游學都中一派淵源傳舊業

與伯氏同官

江右三年前後返忠魂

哭外舅心芝先生

婿

張善倫

明之

登堂拜外舅時方遠就花封悵泰岳光儀此生未見

守邑保羣黎志在盡殲草竊想文山正氣至死爛

彰

哭二舅氏心芝先生

甥

潘成彥

士美

募義勇八百人守望蔡孤城血戰弗衰持七日播
官聲十二載仰涓陽遺跡精忠不歿足千秋

輓竹安傅君

馮

焜
午卿

辭家服買向髻年水驛山程路幾千回溯征途徧甌

粵

君年十九客廣東四十
七客温州曾救千數命

勤勞不憚一身肩境悟

浮雲轉瞬更炎涼世態閱分明一經教子安貧素底

事黃金冀滿籬

家學青鳥有異聞

尊甫晦谷先生
精堪輿君得先

生之傳自營生壙獨超羣當年夢境應堪證水竹清流

三兩分

馮計詩又章
之二三

宋紹蔡 蓮叔

問疾深憐我經旬遽哭君同庚悲失侶有子幸能文

醜酒驩猶昨持籌智軼羣 君素多才藝又甚強健 運途偏不驗

君自言星命辛運頗佳皆以為然 天道竟難論

王世濬 稽雲

君家與我家相隔祇一湖兩家前數載過從形跡疏

邇來漸親暱交好三世俱我於君兄事晚景說桑榆

豚兒與令子角藝共馳驅孫行年雖幼相見亦歡呼

君性本孝友聞譽溢里閭天姿復聰穎夙好敦詩書

諒爲孝養計服賈遠牽車東甌及東粵僕僕歷長途
自從合浦還蕙苴盡明珠人謂計然業君不爽銖銖
謂君精卜筮微顯闡河圖堪輿談形勝妙術擅青烏
以此量君才瑣瑣乃其餘知君非所願所願學愈愚
是以藏弄富插架復充廚一經可教子何況萬卷儲
幸哉果繼志昂昂千里駒薇省行簪筆翺步達天衢
何圖禍忽至抱痛泣泉魚壽已屆古稀封誥錫丹除
袞榮亦既備何事長歛歔所嗟白華志祿養願終虛
知君九京下一笑夢蘧蘧

洪璇樞 篋鄉

沙場黯黯舊忠魂 謂心芝大 近報龍蛇厄長昆 年大

兄今春 數到惠連君又逝池塘春夢了無痕 年年

盃酒話春盤 每於春初余與君及諸老友互相招 便

作者英會上觀翦韭不堪思舊雨騎箕光動一星寒

陳政鑰 魚門

忠厚居心望自尊幾人重訪翟公門審知義重黃金

賤喜撚髭鬚笑語溫 三珠海國挺英英遺恨彌遲

一第名挂杖麻衣休慟哭生前愛聽讀書聲

輓竹安傅親家

盧椿 六橋

疇昔相逢款洽時，精英弈弈照須麋。
到門活水噴腰帶，載路游人頌口碑。
遠溯羹梅留品概，挺生珠樹鬱珍奇。
於今薤露聲淒楚，回首能無老淚滋。

輓竹安傅太親家

陳蘄 詠橋

朱顏華髮近稀齡，老輩風流見典型。
杖國扶鳩期上壽，傳家翼燕有遺經。
薤頭何易晞朝露，箕尾還當應列星。
一曲南湖腰帶水，不堪惆悵過前汀。

輓傅姻世伯竹安先生

鎮海 謝輔濂 廉始

道徽崇誼古八節獻簡家風想見之述德遠稽元祐

籍生天應指鬻單期貫珠遺集欣重得服玉神方悵

莫咨獨行傳中商位置鄰春此日聽同悲世執曾

從大合聯先生從兄上高公與先大夫交最久潞河酬唱記遺編忠魂

昔弔王羆節穆行今傳孔奮賢百晦藝蘭綿舊澤三

分種竹證前緣嗟余更抱葭葶葶戚執紼歌殘倍悒悒

馬恩原名廷槩

繞郭幽居覓數椽弟昆同學兩情堅自慚食硯無他

策歲己未先生延槩至北郭范祠內嗣君叔季恂恂問字槩館穀實始於此彈指光陰十

二年交情兩世往來中深幸苔岑氣味同杖履有時來過訪笑談具見古人風兩對鏡年來白髮多經營心血半銷磨克家有子能承志珠樹庭前簇錦柯

張廷藩 价人

謬附年家四十年識翁剛在數年前持躬德佩無瑕

玉翁有玉佩遺子書耕不稅田翁見異書幾樹盆花雖貧必買

心自養翁家居弄一廬水竹夢初圓翁別號得之於

湖生壙營水竹先生從此騎箕去三鳳城南空悵然亦異事也

張文炳 麟仲

獻簡舊名家。江河表孝族。世澤綿鑒橋。遺風紹版築。
乃父溯乃曾。三世歌式穀。大母邵太君。德教著賢淑。
句讀授諸公。公才况敏速。年纔十四齡。持家紀綱肅。
輒將柏廬言。沐手書在幅。竭力事重闈。承歡奉水菽。
聲譽遠近馳。牽牛賈乃服。赴粵未弱冠。老成崇素樸。
越後走東甌。謀斷仗公獨。脫非公片言。萬人幾魚肉。
績復著吾鄉。利辨水與陸。服公剖析精。不特邦之牧。
義舉藉維持。姻郇賴撫育。恤寡更矜孤。敬宗亦收族。
祀事慮甚周。松楸壯墓木。多藝由多材。能者身忙碌。

世路經險艱家道頻顛覆豐亨境無常際運剝而復
 幸公閱歷深非比趨避熟幸公甘守貧不厭餽與粥
 公之志所希培德滋後福公之心所期經書諸子讀
 典質宮中物遣兒入場屋一片熱心腸朝夕途僕僕
 杏桂不飄香公其肯瞑目但記彌留言佳音聽鳴鹿
 壽竟靳古稀養終未膺祿此願誰時償麻衣拄杖哭
 祇此缺憾留留公願夙源遠流自長一灣水繞竹

哭三舅氏竹安先生

潘成彥

士美

夙仰遺型老壽叟六旬有八痛親年

舅氏

尊甫 晦 谷先生 先太夫

人之叔也道 殁壽亦六十有八 七 和齡彌切終天恨定數相符壽

不延 今春勸哭渭陽間大舅氏今春正月廿二日捐舍 欲詠閒居

淚又潛屈指云纔百五忍令先後失慈顏 鄉里

羣欽世德崇扶危濟困有遺風先生善繼先人志義

行巍峩望並忠謂二舅氏 殉節上高縣

輓傅母胡宜人錢唐 孫人鳳補笙

但使芝蘭秀紫綬映暮年法自儒家有鄉鄰敬推先
平生方寸心保愛金石堅惜哉瑤臺宴淹留景不延

集唐人句

輓傅世嫂胡宜人

平湖葉廉鏗勤詠

伯鸞高致樂林泉井曰還凭德曜賢詎料齊眉慮夙

願更應悽絕五噫篇修期幹力迥超羣密勿從公

著績勳疊晉恩封榮翟第翻隨鸞馭去乘雲最

是功名屬望深少年珍重此光陰鼎爐我愧無丹術

未慰丸熊五夜心桂芬蘭茁繞萱闈綵舞行看袞

袞衣頗耐重易雨惡秋容黯澹掩春暉

徐時樑子舟

顯名有子也思勤異樣芙蓉簇簇新花正開時春已

老夕陽悽絕上西人

黃叔元 幼山

北堂護草恹泉淑德猶聞井里傳
未嫁力籌宗室祀于歸訓式子孫賢
烏私養切方謀祿彤管芬流正待編
十載沉疴嗟不起婺星空仰月湖邊

輓傅老伯母胡太宜人 張瑞清 子寬

陡驚仙馭返瑤池回溯當年仰母儀
早絜蘋蘩尸季女均分棗栗撫諸兒
五花疊晉鸞章錫十載拘鵲骨支惆悵
北堂護草萎不堪梁桉老淚滋

骨支剛避此常... 慈谿

周晉麒 珊梅

四明有女宗遐邇傳賢淑純孝儷曹娥幽閒壺 肥肅

旨甘奉高堂合儀稱姻族有子真不凡翩翩超塵俗

愧余附萊班青燈伴夜讀想見稟訓深課助詩禮熟

北闕舊承恩珠玉輝象服齡擬花甲周頤養偕老福

忽驚寶婺沉寒泉薦秋菊老淚有人彈車難復挽鹿

鸞馭入丹雘 公 岐路哭 共里 對 未 歎 代 壽 宗 室

輓傅太妃母胡太宜人 五章之三 徐 壽 警 文

檢衣時懍 簪 盞花仰禮姑心意倍加儷蹟孟陽洵不

愧至今戚也未誇 刻苦思酬罔極恩兩家祀事

付兒孫胡祀既成復請封翁命嗣君 彌留猶切丁寧

囑語語酸不魂

輓傅親母胡宜人

孫學駒怡莊

駕返西池去路遙中天皓月正光昭試看白髮輝禴

翟雨露恩深沐四朝 知是靈根宿世栽香車雲擁

入蘭臺高人作偶壺儀著辛苦曾經挽鹿來 昔年

風鶴靖明州帷幄還資借箸籌萊舍勲高心可與護

陰差喜十分稠 齡將周甲擬稱觴惆悵慈雲黯北

堂五十七年嗟水逝空留寶相仰嚴莊

輓傅世叔母胡太夫人

宋宗斐

秘主

秋風悽絕竹湖濱欲慰良朋語莫伸二十年來悲失
 恃一番帳觸共傷神登堂肅拜僅三年幸襲蘭芬
 誦母賢郝法鍾儀型梓里白雲惆悵里門邊二老
 俱將百歲期那堪金母返瑤池大椿縱以靈萱壽不
 滿春暉寸象服榮膺迓福多一珠樹挺枝
 柯瀧岡阡才他年讀莫罄坤儀薤露歌

王茂煥

英甫

築里賢名正喜有餘慶誰知昨夜秋風

冷星隕瑤池相夫共仰孟光賢內助相資

近卅年同白髮那堪撒手天鴻猷

碩畫冠籌帷有子才高一世稀蘭幟並濟他

年鳳誥定增輝心儀姆範起悲思仙馭何時返玉

池自憾終天長抱恨從今怕讀莪蓼詩

汪受初藹夫

西池降德南國修儀幼稱孝女長適修期克勤儉
卅載齊眉相夫教子允顯於時人方恤緯天不憖遺

蔭凋薇省型失萱帷帶湖月冷巾幘雲垂夢徵炊日
訓溯斷機誰箴女史我抒哀詞

輓傅姻世伯母胡太夫人

徐崇熙 閱笙

瀉水衍名門珩璜內美敦棗脩勤嬾職蘆絮息人言
瑤卮鍾三秀金泥被九闈舉帷勞悵望霜重菱
庭護

輓傅

胡太夫人

善倫 明之

幸厠南宮屏誰敦夙瞻壺範仰柔溫饗煢克順翁姑
意祭祀還恩母恩夏植芝蘭香滿室高容駟馬寵

盈門而今猶羨 褒封錫

九闈

哭從母清河郡胡太宜人十章之二

丙熙 薇珊

一腔心事夜燈 傷笑語尋常必慕賢 况 又嬰痛

脚

痛脚二字見續齊諧記

無多快境計行年 年年經發杜鵑

花血淚痕丹痛有加

祭掃外大父母墓從母必借吾母親詣

試看紙錢

飄古道一村婦豎口交誇

